



REGIONE AUTÓNOMA DE SARDIGNA
REGIONE AUTONOMA DELLA SARDEGNA



COMUNU DE DOMUS DE MARIA

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

UNU LOGU PRO SU PARCU

S'ùrtima iniziativa aviada dae su Parcu Naturale Regionale GùturuMannu cun sa collaboratzione de is bator Tzentros de Annestru Ambientale chi torrant a rùere in is Comunos suos, intre cales “s'àcua Durci-Chia nostra”, est su progetu “Unu logu pro su Parcu”.

Sa fine de su progetu est istadu su de creare unu logu chi rapresentaret in manera gràfica s'identidade de su Parcu in cale poderent coesistere is cuntzetos de biodiversidade, de àrea naturale amparada, de gestione e de sostenibilidade. In s'òtica de su Parcu de avalorare su territòriu atuende políticas chi in su matessi tempus s'impinnant a tutelare su patrimoniù naturale e in su matessi tempus favorant sa crèschida econòmica, est istada promòvida custa iniziativa chi at prevididu una modalidade de progetatzione partetzipada, overas chi interessaret sa comunidade a is sèberos de su Parcu.

“Unu logu pro su Parcu” at prevididu, duncas, sa partetzipatzione de is iscolas primàrias de is deghe comunos chi appartenent a su Parcu, intre cale fintzas s'Iscola Primària Domus de Maria. S'obietivu fiat su de segugiare is prus giòvanos a rapresentare in manera gràfica no una genia, vegetale o animale, de su Parcu ma totu s'ammenta de is balores e de is relatziones chi bivint a s'internu de issu. Unu còmputu grai tzertamente, ma chi at giutu resurtados interessantes: sunt istados collidos 400 disinnos, base de partèntzia pro s'istùdiu gràficu cun mira a sa realizatzione de su logu de su Parcu.

Cun entusiasmu is classes si sunt chimentadas in custu progetu coloradu e ispassiosu suta de sa ghia de is maistros e cun sa supervisione de is bator CEAS; is disinnos sunt istados collidos in unu libru posca cunsignadu, in un'eventu ùnicu, etotu de is pitzocos a su Parcu!

Non petzi: sunt istados prodùidos unu vèideu de su tìtulu “Imaginàrios cumpartzidos, unu logu pro su Parcu” in cale benit contada s'istòria sua a traessu de una boghe narrante, una gallery de foto ammajadoras e is sonos de su padente, e unu vèideu de ringratziamentu.

Pro nd'iscobèrrere de prus, bìsita sa setzione video de su giassu de su Parcu GutturuMannu
<https://www.parcogutturumannu.it/natura/video/>